

Gobierno a duna DTH Television & Telecommunications e tercer concesion di telefon mobil

ORANJESTAD (AAN): Durante un conferencia di prensa Diabierna na sede di Gobierno, Prome Ministro Nelson Oduber hunto cu Karel Vis di DTZ y Tom Meuleman di Ox Auctions a anuncia e compania cu a gana e chance di bay opera e Tercer Concesion di Telefon Mobil pa Aruba.

For di 6 di Februari 2003 cu Huez a dicta sentencia den caso di Maxxcom, unda un ex-Ministro a haci palabracionnan pa bira concesionario di Telefon Mobil na Aruba, Huez a duna Gobierno cinco luna di tempo pa tuma un decision definitivo pa bisa kende lo bira e di tercer concesionario. Esey nifica cu e deadline ta 6 di Juli 2003.

Asina Gobierno a start un proceso pa bay "subasta" e di Tercer Concesion aki, dunando oportunidad igual, y condiciona e permiso, a base di reglanan cu a worde stipula door di Gobierno danki na conseho di DTZ y Ox Consultants di Hulanda, basa riba nan conocimiento cientifico riba tereno di telecomunicacion.

Mesora como diescinco compania a aplica pa asina purba di haya e Tercer Concesion aki. Finalmente a keda solamente 3 compania cu a lucha pa haya esaki.

Gobierno a percura pa e proceso ta obhetivo y transparente, y cu e compania cu cumpli cu tur exigencia lo ricibi e concesion. Un di e condicionnan ta cu e compania mester worde gescree debidamente, y no mag di forma menaza pa orden publico y seguridad di pais Aruba. Esey ta fundamental ora di papia cu telefon mobil, pa cumpli cune prome cu bo haya cualkier concesion.

Asina a start un proceso, y den esaki finalmente a keda tres compania. Ta trata di: (1) Maxcom NV. (2) Aruba Telecom Providers NV cu ta hunto cu AT&T. (3) DTH Television & Telecommunications NV cu ta hunto cu Curaçao Telecom.

Un di e exigencianan pisa ta e garantia di banco cu nan por cumpli cu e 7,2 milyon Florin fuera otro suma cu ta yega na casi 8 milyon Florin total.

E GANADOR A BIRA

Diabierna mes den Consejo di Ministranan a tuma un decision. Esey ta pa Aruba ta acepta DTH Television & Telecommunications NV como e 3er Operador di Celular. E compania DTH Television & Telecommunications NV ta opera hunto cu Curaçao Telecom y tin lazo tambe cu compania estableci na Portugal. Nan si a entrega riba linea general un plan cu ta aceptable. Tambe a entrega garantia di banco di minimo 7,2 milyon, y banco hasta a bisa cu si e suma mester ta mas hopi, nan no tin problema pa e suma ey worde cumpli cune.

Mirando e plan bedrijfs-

economisch, nan ta realizabel aki na Aruba. E compania aki ta e di tercer empresa na Curaçao unda nan tin 30.000 abonado riba GSM y ta sigui crece.

Na Aruba, e compania ta representa pa Terrence Laclé, kende ta mihor conoci como ruman di e presentador di noticia, Tito Laclé.

NEL A ADMITI CU AT&T TABATA MIHOR PARA

E compania cu a gana e Bid tabata esun mihor? Logicamente e expertonan di Aruba y Hulanda a evalua hunto cu e tecnonan tur tres compania. Prome Ministro Oduber a pone tur tres compania riba un scala, y ta demostra cu esey no ta e caso. Ata aki e Top-3 mihor compania cu Premier Oduber a

revela:

Best No. 1: E mihor compania di tur 3 candidato tabata AT&T. "Esey ta e mihor compania di tur tres," Oduber a bisa.

Best No. 2: Na segundo lugar ta bin Maxcom NV.

Best No. 3: Na tercer lugar ta bin DTH Television & Telecommunications.

Pero ta parce cu no ta e "best one" a gana. Pero djis pasobra e otro dos companianan no por a bin cu un garantia di banco, nan a sali cu derota!

Maxcom NV no a duna carta di garantia di banco pa e 7,2 milyon Florin. Den nan opinion, nan tabatin 'carta di ex-Ministro den pasado'. Tecnicamente loke nan a hinca den otro, no a duna ningun per-

spectiva di un compania cu mester asumi un responsabilidad grandi y organizatorio pa Aruba y pa cu e inversionnan cu nan mester haci.

Aruba Telecom Providers NV hunto cu AT&T tabatin un tremendo plan pa su totalidad y ta compania serio. Pero nan no a cumpli cu e parti di garantia di banco pa 7,2 milyon Florin. Nan kier a hacie 'condicionalmente'. Esey no por, como cu exigencia di Gobierno ta cu bo mester duna un garantia di banco cu no ta condiciona na cualkier proceso, y no por ta condiciona na stipulacionnan di e reglanan. Nan tabata dispuesto di paga e suma bao cierto condicion negocia bao di e proceso.



OIL IN ONE!!



E CD PA COMPUTER CU WEGANAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Calculator

Afl. 7,95